



KERAJAAN MALAYSIA

SURAT PEKELILING AKAUNTAN NEGARA MALAYSIA BILANGAN 4 TAHUN 2025

PERATURAN BAYARAN BANTUAN KHAS KEWANGAN AIDILFITRI TAHUN 2025

JABATAN AKAUNTAN NEGARA MALAYSIA

KANDUNGAN

1. TUJUAN	1
2. LATAR BELAKANG	1
3. PELAKSANAAN	2
4. HAL-HAL LAIN	5
5. TARIKH KUAT KUASA	5
6. PEMAKAIAN	6

JANM.600-20/2/7 JLD. 2 (13)



KERAJAAN MALAYSIA

**SURAT PEKELILING AKAUNTAN NEGARA MALAYSIA
BILANGAN 4 TAHUN 2025**

Semua Ketua Setiausaha Kementerian
Semua Ketua Jabatan Persekutuan

PERATURAN BAYARAN BANTUAN KHAS KEWANGAN AIDILFITRI TAHUN 2025

1. TUJUAN

Surat Pekeliling ini adalah bertujuan untuk memberi garis panduan kepada Kementerian/ Jabatan mengenai peraturan Bayaran Bantuan Khas Kewangan Aidilfitri (BKKA) Tahun 2025 kepada pegawai Perkhidmatan Awam Persekutuan.

2. LATAR BELAKANG

- 2.1 Sebagaimana dimaklumi, YAB Perdana Menteri telah mengumumkan pemberian Bantuan Khas Kewangan Aidilfitri Tahun 2025 adalah sebanyak RM500.00 kepada penjawat awam Gred 15 dan ke bawah (setara Gred 56 dan ke bawah) termasuk pegawai/kakitangan lantikan kontrak (Contract for Service, Contract of Service, pegawai sambilan harian dan lantikan MySTEP).
- 2.2 Kadar Bayaran Bantuan Khas Kewangan Aidilfitri Tahun 2025 sebanyak RM250.00 dipanjangkan pemberiannya kepada pesara Kerajaan (pesara berpencen, penerima pencen terbitan, pesara KWSP, veteran berpencen serta veteran tidak berpencen).
- 2.3 Surat Pekeliling ini disediakan selaras dengan peraturan berikut:
 - 2.3.1 Surat Kementerian Kewangan Malaysia kepada Jabatan Akauntan Negara Malaysia (JANM) rujukan MOF.NBO(R)600-8/2/35JILID.2(7) bertarikh 21 Mac 2025 – Bantuan Khas Kewangan Penjawat Awam dan Pesara Kerajaan Tahun 2025;

- 2.3.2 Surat Jabatan Perkhidmatan Awam Malaysia rujukan JPA.800-3/2/4 (52) bertarikh 21 Mac 2025 – Bantuan Khas Kewangan Aidilfitri Tahun 2025; dan
- 2.3.3 Soalan Lazim Bantuan Khas Kewangan Aidilfitri Tahun 2025 rujukan JPA.800-3/2/4(53) yang berkuat kuasa.

3. PELAKSANAAN

Surat Pekeliling Akauntan Negara Malaysia (SPANM) ini hendaklah dibaca bersama SPANM Tatacara Pengurusan Bayaran Emolumen Pegawai Awam Persekutuan yang berkuat kuasa. Pelaksanaan tatacara perakaunan bagi Bayaran Bantuan Khas Kewangan Aidilfitri Tahun 2025 adalah seperti berikut:

3.1 Tarikh Pembayaran

Bayaran Bantuan Khas Kewangan Aidilfitri Tahun 2025 ini akan dibayar pada **27 Mac 2025 (Khamis)**.

3.2 Peruntukan Untuk Membayar Bayaran Bantuan Khas Kewangan Aidilfitri Tahun 2025

Kementerian/Jabatan hendaklah membayar Bantuan Khas Kewangan Aidilfitri Tahun 2025 menggunakan peruntukan tahun 2025. Sebarang keperluan tambahan jika perlu akan diselaraskan pada akhir tahun 2025 oleh Perbendaharaan.

3.3 Semakan Ke Atas Pegawai Yang Layak Menerima Bayaran Bantuan Khas Kewangan Aidilfitri Tahun 2025

Pusat Tanggungjawab (PTJ) adalah bertanggungjawab menyemak teliti dan memastikan dokumen sokongan adalah lengkap serta mematuhi syarat-syarat yang ditetapkan dalam Surat Jabatan Perkhidmatan Awam Malaysia rujukan JPA.800-3/2/4 (52) bertarikh 21 Mac 2025 – Bantuan Khas Kewangan Aidilfitri Tahun 2025.

3.4 Kaedah Bayaran Bantuan Khas Kewangan Aidilfitri Tahun 2025

Terdapat dua (2) kaedah Bayaran Bantuan Khas Kewangan Aidilfitri Tahun 2025 iaitu melalui:

3.4.1 Bayaran melalui Sistem Emolumen Berkomputer

(1) Tanggungjawab Pejabat Perakaunan (AO)

- (a) Mengeluarkan **Laporan Penerima Bayaran Bantuan Khas Kewangan Aidilfitri Tahun 2025** kepada PTJ;

- (b) Mengemas kini data Penerima Bayaran Bantuan Khas Aidilfitri di dalam sistem setelah PTJ mengesahkan **Laporan Penerima Bayaran Bantuan Khas Kewangan Aidilfitri Tahun 2025**; dan
- (c) Memproses Bayaran Bantuan Khas Kewangan Aidilfitri Tahun 2025.

(2) **Tanggungjawab Pusat Tanggungjawab (PTJ)**

- (a) Menyemak **Laporan Penerima Bayaran Bantuan Khas Kewangan Aidilfitri Tahun 2025**. Pegawai yang tidak layak hendaklah dikeluarkan daripada laporan tersebut;
- (b) Mengemukakan **Laporan Penerima Bayaran Bantuan Khas Kewangan Aidilfitri Tahun 2025** yang telah disahkan kepada Pejabat Perakaunan; dan
- (c) Mengutip **semua amaun** yang telah dibayar kepada pegawai yang **tidak layak** menerima Bayaran Bantuan Khas Kewangan Aidilfitri Tahun 2025 dengan kaedah berikut:
 - (i) Pegawai dalam Kumpulan Pengurusan Tertinggi termasuk pegawai yang memangku, dipinjamkan/tukar sementara ke Gred Utama/Khas adalah tidak layak dibayar Bantuan Khas Kewangan Tahun 2025. Tindakan pemotongan secara sekaligus hendaklah diambil bagi bayaran emolumen bulan berikutnya bagi pegawai yang masih berkhidmat;
 - (ii) Kutipan tunai atau kutipan secara *Electronic Fund Transfer* (EFT) hendaklah dibuat daripada pegawai Perkhidmatan Awam Persekutuan yang meletak jawatan/berhenti/ditamatkan perkhidmatan demi kepentingan awam sebelum atau pada 27 Mac 2025; dan
 - (iii) Kutipan secara *Electronic Fund Transfer* (EFT) hendaklah mematuhi prosedur yang telah diedarkan melalui Surat Edaran Bahagian Pengurusan Operasi Pejabat Perakaunan (BPOPP) Bilangan 12 Tahun 2022 – Garis Panduan Pengurusan Terimaan Secara *Electronic Fund Transfer* (EFT) Ke Akaun Terimaan Pejabat Perakaunan. Pegawai yang membuat bayaran bertanggungjawab memastikan perihal rujukan bayaran dinyatakan dengan jelas selaras dengan surat edaran berkenaan.

3.4.2 Bayaran Melalui Arahan Pembayaran (Kew.330E)

(1) Tanggungjawab Pejabat Perakaunan

Pejabat Perakaunan hendaklah memantau dan mendapatkan pengesahan PTJ untuk memastikan PTJ menyempurnakan Bayaran Melalui Arahan Pembayaran (Kew.330E) bagi pegawai yang tiada dalam Sistem Emolumen Berkomputer.

(2) Tanggungjawab Pusat Tanggungjawab (PTJ)

- (a) Menyediakan Arahan Pembayaran (Kew.330E), jenis dokumen – Invois Tanpa Pesanan Kerajaan (K2) berserta Penyata Perubahan Mengenai Pendapatan Seseorang Pegawai (Kew. 8) dan dokumen sokongan yang lain.
- (b) Memastikan pegawai awam yang dibayar melalui Arahan Pembayaran (Kew.330E) menerima bayaran pada **27 Mac 2025 (Khamis)**.
- (c) PTJ hendaklah memastikan tiada keciciran dalam pembayaran kepada pegawai awam yang dibayar melalui Arahan Pembayaran (Kew.330E).

3.5 Bantuan Khas Kewangan Aidilfitri Tahun 2025 akan menjadi tanggungan Jabatan di mana pegawai berkhidmat pada tarikh pembayaran.

3.6 Potongan ke atas Cukai Pendapatan, Caruman Kumpulan Wang Simpanan Pekerja (KWSP) dan Caruman Pertubuhan Keselamatan Sosial Pekerja (PERKESO) tidak dilaksanakan tertakluk seperti berikut:

3.6.1 Cukai Pendapatan

Bayaran Bantuan Khas Kewangan Aidilfitri Tahun 2025 tidak dikira sebagai pendapatan bagi tujuan pengiraan cukai pendapatan.

3.6.2 Caruman Kumpulan Wang Simpanan Pekerja (KWSP)

Bayaran Bantuan Khas Kewangan Aidilfitri Tahun 2025 ini adalah tidak termasuk di bawah definisi “Upah” sepertimana yang diperuntukkan di bawah Seksyen 2, Akta Kumpulan Wang Simpanan Pekerja (KWSP) 1991 [Akta 452]. Sehubungan dengan itu ianya tidak perlu dicarumkan ke Kumpulan Wang Simpanan Pekerja (KWSP).

3.6.3 Caruman Pertubuhan Keselamatan Sosial Pekerja (PERKESO)

Bayaran Bantuan Khas Kewangan Aidilfitri Tahun 2025 ini tidak perlu dicarumkan ke Pertubuhan Keselamatan Sosial Pekerja (PERKESO).

3.7 Kod Urus Niaga

Kod urus niaga yang perlu digunakan bagi Bayaran Bantuan Khas Kewangan Aidilfitri Tahun 2025 adalah seperti berikut:

Kod Elaun (Payroll)	Kod Akaun	Perihal Kod
1072	B0117102	Bantuan Khas Kewangan Kakitangan Awam
1072	B0117202	Bantuan Khas Kewangan Pasukan Keselamatan
1072	B0229306	Pemberian Khas Pekerja Sementara atau Sambilan atau Yang Tidak Menyandang Jawatan Tetap

4. HAL-HAL LAIN

Pertanyaan lanjut mengenai Surat Pekeliling Akauntan Negara Malaysia (SPANM), boleh dirujuk kepada pihak berikut:

Bahagian Pengurusan Operasi Pejabat Perakaunan (BPOPP)
 Jabatan Akauntan Negara Malaysia
 Aras 4, Kompleks Kementerian Kewangan
 No.1, Persiaran Perdana
 62594, Presint 2
 Putrajaya
 u.p. : Unit Pengurusan Prestasi
 E-mel : unit_prestasi@anm.gov.my
 No. Tel. : 03-8882 1624/1612/1622/1611

5. TARIKH KUAT KUASA

Surat Pekeliling ini berkuat kuasa mulai pada tarikh ianya dikeluarkan.

6. PEMAKAIAN

Kementerian/Jabatan Persekutuan dan Pejabat Perakaunan hendaklah memastikan peraturan yang ditetapkan dalam surat pekeliling ini dipatuhi bagi memastikan Bayaran Bantuan Khas Kewangan Aidilfitri Tahun 2025 dapat dilaksanakan dengan sempurna mengikut tarikh yang telah ditetapkan. Peruntukan surat pekeliling ini juga dipanjangkan kepada semua Perkhidmatan Awam Negeri, Badan Berkanun Persekutuan, Badan Berkanun Negeri dan Pihak Berkuasa Tempatan tertakluk kepada penerimaan oleh pihak berkuasa masing-masing.

“MALAYSIA MADANI”

“BERKHIDMAT UNTUK NEGARA”

"Inovasi Memperkasa Perakaunan Mampan"

Saya yang menjalankan amanah,



(NOR YATI BINTI AHMAD C.A.(M))

Akauntan Negara Malaysia

JABATAN AKAUNTAN NEGARA MALAYSIA
PUTRAJAYA

23 Mac 2025

s.k.:

Ketua Setiausaha Negara
Ketua Pengarah Perkhidmatan Awam
Ketua Setiausaha Perbendaharaan
Ketua Audit Negara
Semua YB Setiausaha Kerajaan Negeri
Semua YB Pegawai Kewangan Negeri
Semua Ketua Jabatan Negeri
Semua Ketua Akauntan Kementerian
Semua Pengarah Negeri/Cawangan Jabatan Akauntan Negara Malaysia
Semua Bendahari Negeri/Akauntan Negeri
Pengarah Jabatan Arah Urusan Gaji Angkatan Tentera (UGAT)